

Mossi - Neer Tagsg Sebr Sõngo - Good Mind Scriptures

Maan-Kuur Sebre 24:12 B bao zīg n paalg-a n gūud Soaala-Wēnd koeega.

Yaoolem 18:6 Levitg tōe n yi-la a tēngē, a tēnga sēn be zīg ning fāa Israyel tēn-peelmē, n kēng a sēn dat wakat ning fāa, tēng ning Wēnnnaam, f Soaala, sēn yāk wala b waoogra zīga.

Rut 1:18 A Nowemi mikame t'a Rut zāgsa loogre t'a sīnd n bas-a.

1 Na-Rot 28:9 La foom, m biiga a Salomo, bī f bāng f saamba Wēnnnaam, la f tū bāmba, ne f sūur zānga, ne f yalē fāa, tī Wēnd feesda ninsaalba sūya la b mii neere tagsg buud b sēn tagsde. Fo sā n baood-ba, b na n sak tī fo yāend ba; la fo sā n bas bāmba, bāmb me na bas-fo.

Neemi 4:6 B ka bāng tī Zuif rāmba sēn ya bāmb yagse n waa n wilg naoor yaka: «Ad f sēn be zīg ning fāa, f nee bēeba sēn baood n na lūl n yēegd-do.»

Zoob 23:13 La bāmb sēn pa gird n le gōmsā, ãnda n na n lek-ba? B yamleoog la b tūuda.

Yelbūna 29:11 Yam kaoolg soaba basdame tī sū-noog buud fāa yamleoog yōk-a; wakat buud fāa yam soab toē-la a menga.

A Izayi Sebre 26:3 Ad-y yaa neb sēn tar zug sõngo, la yāmba, Soaala, y zāad-b-la y laafi pugē tī yaa yāmb bal la b teeg yā.

A Mark Sõng 5:15 B sēn ta, b yāenda Sutāana sēn da kē-a soabā t'a zī a Zezi seegē n yer fuug la a gomd neere. B yāend-a lame tī rabeem kē-ba tī yaa sutāamb wusgo n sīd da be nin-kāng pugē.

A Luk Sõng 8:35 Neba yiime n wa ges yella sēn maana. B taa a Zezi nengē n mik Sutāamba sēn yi n bas rao ninga t'a zī a Zezi taoor ne laafi n yeer fuug la a mi a nenga. La rabeem yōk-b lame.

Tūum-Tūmdba Vūm 17:11 Bāmb da tara zug sõngo n yūd Tesalonik rāmbā. B reega Koeega tao-tao. Beoog sēn vēeg fāa b ra karemda Sebr Sõngo n get bōe n ka zems a Pol dāmb toagsgē.

Tūum-Tūmdba Vūm 20:19 M tūma Soaala tūuma ne yam sulgri, ne nintām, ne namsg ning Zuif rāmba sēn nams maam ne b no-baoorā.

Rom Dāmba 7:25 Wēnd paam pēgr d Soaala Zezi Krista maasem yīnga. Ad-y yaa maam bala n ne m yamē tī m tog n tū Wēnd sēn yalse, n yaool n sakd m yīngē wā, yel-wēnd sēn yalse.

Rom Dāmba 8:6 Bāng-y tī sēn baood-a a yīnga sēn datā, baooda a kūum la sēn baooda a Vuusem Sõng sēn datā, baooda a vūm la laafi.

Rom Dāmba 8:27 Būmb-kō-solg-m Wēndā mi a Vuusem Sōng sēn dat d yīnga la bāmb me sēn yōkd seeg Wēnd kom-nongdsā yīnga, zemsa ne Wēnd meng raabo.

Rom Dāmba 11:34 Ānda n zoe n tōog n bāng Soaala tagsgo, ānda n paam n yī b sagenda?

Rom Dāmba 12:2 Da wēneg-y zamaana rāmb ye; modg-y n paam yam paale n tedg zānga n tōog n bāng Wēnnaam daabo, n bāng sēn ya neere, sēn ya sōmbo, sēn ka tar goaleng ba bilfu.

Rom Dāmba 12:16 Bułk-y y sūur ne neba fāa gilli, kisg-y zēk-m-menga; bao-y sulg-m-meng rāmba; da yeel-y tī y bāngra sekame ye.

Rom Dāmba 14:5 Yōaa soab pēgda daar a ye n yūd a to, yōaa soab nengē daar fāa zema a to, ned kam fāa maan wa a sūur koεega sēn yet t'a gād būmb ninga.

Rom Dāmba 15:6 Woto y na tōog n pēg Wēnnaam, tōnd Soaal a Zezi Krista Ba, ne sūur a ye la noor a ye.

1 Korēnt Rāmba 1:10 M pēgd-y lame, m saam-biisi, tōnd Soaal a Zezi Krista yūv yīnga, tī y zems y moora ne taaba tī welgr da kē y sułk ye. Sog-y taaba n vūnd yam yēngā, la tagsg yēngā.

1 Korēnt Rāmba 2:16 Ānda n bāng Wēnd tagsg n na n sagl-ba? Tōnd yē tar-a lame, tōnd tara a Zezi tagsgā.

2 Korēnt Rāmba 7:7 Ka a waoonga bal ye, yaa yē me sēn leok t'a yāenda sū-noog y suka. A wilg-d lame tī y gūud-d la ne y sūur fāa; a wilg-d lame tī y sūur sāama y sēn ka yāend tōndā; a wilga y sēn da rat neer ning fāa ne tōndo, la woto wā mam nengē yū sū-noog ne sū-noogo.

2 Korēnt Rāmba 8:12 Fo sūura raab sā n pidi, f sēn wat ne būmb ning fāa yita bōn-sōngo tī ka fo sēn ka tara la b na n ges ye, yaa fo sēn tarā.

2 Korēnt Rāmba 9:2 M miime tī yaa ne y sūur fāa la y baood nin-sōma wā sōngre la m goma y yelle ne Masedoan dāmb n pēg yāmba; m togsame tī yaa al diē woko la Akayi tēng segl n se. Yāmb modgra kōo neb wusg sū-keelem.

2 Korēnt Rāmba 13:11 Dēn yīnga, m saam-biisi, noog-y y sūuri, bao-y sōmblem bala, sōng-taaba bala; yū-y sū-yēngā, vūnd-y laafi ne taaba, la Wēnd sēn ya nonglem la laafi Naaba na zīnd ne yā!

Efēez Rāmba 4:23 la y teem y tagsgā t'a wēneg yīngr dāmb dēnna?

Filip Tēng Rāmba 2:2,3 m kotame tī y pids m sū-nooga zānga n zems y tagsga ne taaba: n ya sū-yēngā, raab yēngā, yam yēngā. 3 Da sak-y welgr lē-lē, da sak-y titaam ye: ned kam bao yam-sulgri la a tagse t'a

taab sāo yē menga.

Filip Tēng Rāmba 4:2 Mam kota a Evodi la m wīngda ne a Sēntikē, tī b wūm taab moore, Soaala yūvr yīnga.

Filip Tēng Rāmba 4:7 La Wēnd na zīndg yāmb fāa b laafi pugē, laafi sēn zuug tōnd sēn tōe n mamsā, laafi kāng n na n maas yāmb sūuri la y yam, Krista a Zezi pugē.

Kolos Rāmba 3:12 Dilla yāmb sēn ya Wēnnaam yam nebā, b nin-sōma la b kom-nongdsā, bī y mao n yī nimbāan-zoetba, neb sēn nong taaba, yam-sulgr dāmba, sū-bugsem dāmba, sū-maasem dāmba:

2 Tesalonik Rāmba 2:2 m kot-y lame tī y ra bas tī b bondg y yama tao tao ye. M kotane, m saam-biisi, tī y ra yēes ye. Tuum kēer na tumame tī wēnda b tum-b-la ne a Vuusem Sōng pānga. Goam la y na n wume, bī seb kēer sēn wēnd b yii tōnd nengē la y na n karem. La b yetame tī Soaala Waoong raar taame, bī y ra yēes ye.

2 Timote 1:7 tī f mi tī ka rabeem la Wēnd kēes d sūurē ye, b kōo tōnd b Vuusem sēn ya pānga la nonglem la tōog-m-menga.

A Tit 2:6 Sagl kom-būba neere tī b gūus ne yirgu buud fāa.

Ebre Rāmba 8:10 La ad zood ninga m sēn na n yōg ne a Israyēl: Dasem kāens poore, — Soaalā n yeele — m na n ninga mam noya b yamē, mam na n guls-b-la b sūurē, mam na n yī bāmb Wēnnaam tī bāmb yī mam neba.

1 Piyer 1:13 Dilla, nek-y y yam la yōk-y y mense. Maan-y saagre ne kūun ning sēn na n sig y zutu ne Krista a Zezi Waoongo.

1 Piyer 5:2 M kotame tī y yī bāgr ninga Wēnd sēn gūnug yāmba pe-kūmba. Gu-y piisā la ra yī rok-m-zug tuumde ye, a yī yamleoog tuumde wa Wēnd sēn date. Da yī rolb yooda yīng ye, a yī taab sōngr yamleoog bala.

2 Piyer 3:1 Yāmb ne la, m kom-sōma, ka wā la sebr a yiib soaba m sēn guls yā? La yiiba fāa pugē, m maoome n yalg y putēer la m kō-y bāngr sōngo.

Yēl Pukr Sebre 17:9 Yaa marsā la yam dāmb la silem dāmb na n paam taaba! Zut a yopoe wā yaa tān-bi a yopoe tī paga zao b zugu.